



FAKULTET ZA KRIMINALISTIKU  
KRIMINOLOGIJU I SIGURNOSNE STUDIJE

УНИВЕРЗИТЕТ У БЕОГРАДУ  
ФАКУЛТЕТ БЕЗБЈЕДНОСТИ

ПРИМЉЕНО: 21.12.2012.

Достављено

21

705/1

Zmaja od Bosne br.8,71000 Sarajevo,BA | t.+387 33 561 200 | f.+387 33 561 216 | fkn@fknbih.edu | www.fknbih.edu

Uvažavajući procese inicirane Lisabonskom i Bolonjskom deklaracijom kao i ciljeve Visokog obrazovanja ujedinjene Evrope,

**Fakultet bezbjednosti Univerziteta u Beogradu**, ul. Gospodara Vučića 50, Beograd, kojeg predstavlja dekan prof. dr Radomir Milašinović

**Fakultet za kriminalistiku, kriminologiju i sigurnosne studije Univerziteta u Sarajevu**, ul. Zmaja od Bosne 8, Sarajevo, Bosna i Hercegovina, koga predstavlja prof. dr Nedžad Korajlić, dekan,

saglasili su se da:

na akademskim tradicijama, naučne istine i humanizma, sačine i potpišu

## PROTOKOL

O

### MEĐUSOBNOJ SARADNJI

1. Respektujući ukupno pozitivno zakonodavstvo, a posebno zakone i propise iz oblasti visokog obrazovanja, odgovarajuće vlastite akte i akte Univerziteta

**Fakultet bezbjednosti Univerziteta u Beogradu i Fakultet za kriminalistiku, kriminologiju i sigurnosne studije Univerziteta u Sarajevu** odlučili su da sarađuju na području:

- naučno-istraživačkog rada;
- osiguraju osnovne uslove za razmjenu nastavnika, saradnika i studenata u toku nastavnog procesa na I, II i III ciklusu studija;
- da organiziraju zajedničke akademske studije za sva tri ciklusa studija;
- izdavanja i razmjene udžbeničke i druge stručne literature, školskih priručnika i naučnih materijala, objavljivanja radova u časopisima, kao i organizaciji prodaje izdanja;
- organizovanja zajedničkih nastavnih, kulturnih i sportskih aktivnosti, kao i zajedničkih savjetovanja;
- zapošljavanja diplomiranih studenata;
- ostvarivanju drugih oblika poslovne i tehničke saradnje, a koji su od zajedničkog interesa.

2. Saradnja na području naučno-istraživačkog rada, uz naučne i stručne rezultate koji se mogu očekivati i planirati podrazumijeva i brigu potpisnika o angažovanju naročito mlađih istraživača i stvaranju preduslova za njihovo naučno sazrijevanje i razvoj. Naučno-istraživački zadaci, saglasni su potpisnici, okupljaće istraživače iz šireg prostora regije, zavisno od prirode i obima naučno-istraživačkog zadatka, materijalnih sredstava i šire zainteresovanosti.

3. Na polju osnovnih, specijalističkih, postdiplomskih i doktorskih studija, međusobnom razmjenom informacija i odgovarajućih dokumenata, radiće na utvrđivanju zajedničkih kriterija i standarda koji ne mogu biti niži od deklaracija o visokom obrazovanju na prostorima Evrope. To se posebno odnosi na strukturu i obim nastavnog plana i programa; kvalitet tih programa i izvođača, kao i cijenu troškova studija.

Potpisnici su saglasni da prema svojim mogućnostima međusobno pomažu u angažovanju nastavnog i drugog potrebnog kadra za realizaciju navedenih zadataka.

4. U oblasti osnovnih studija potpisnici će otpočeti proces međusobnog dogovaranja o ekvivalenciji istovjetnih nastavnih programa i osiguranju prava studenata da koristeći ove olakšice osiguraju veću pokretljivost u toku studija, sa svim pozitivnim posljedicama koji iz tog procesa mogu proisteći.
5. Potpisnici su saglasni da osigraju osnovne uslove za razmjenu nastavnika, saradnika i studenata u toku nastavnog procesa.  
Potpisnici će posebno osigurati uslove za razmjenu najboljih studenata. Vrijeme i druge uslove razmjene, potpisnici će dogovarati za svaki konkretni slučaj posebno.
6. Troškovi nastali u vezi realizacije aktivnosti koje su predviđene ovim Protokolom, Strane snose samostalno na osnovu reciprociteta, i to: troškove boravka i ishrane snosi Strana koja prima (posjetu), a putne troškove Strana koja ostvaruje posjetu.
7. Strane su saglasne da sve svoje međusobne obaveze pri realizaciji pojedinih vidova saradnje predviđenih tačkom 1. ovog protokola, regulišu posebnim ugovorom.
8. Uz saglasnost obje strane u dati Protokol mogu biti unijete izmjene i dopune.
9. Ovaj Protokol stupa na snagu kada ga potpišu obje Strane.

*(P.S. Tekst usaglašenog Protokola biće sačinjen na jezicima i pismu obje Strane potpisnice.)*

**FAKULTET BEZBJEDNOSTI  
UNIVERZITETA U BEOGRADU**

Dekan

Prof. dr. Radomir Milašinović



Datum: 28. 12. 2012.

**FAKULTET ZA KRIMINALISTIKU,  
KRIMINOLOGIJU I SIGURNOSNE STUDIJE  
UNIVERZITETA U SARAJEVU**

Dekan

Prof. dr. Nedžad Korajlić



Datum: 18. 12. 2012.

Broj: 03-3228/12